

**Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA
Sektor za javna preduzeća i javne ustanove**

Broj: 19-04-7915/23-1
Zenica, 22.05.2023. godine

STRUČNA SLUŽBA GRADSKOG VIJEĆA

PREDMET: Izvještaj o radu Zeničke razvojne agencije ZEDA d.o.o. za 2022. godinu

Sektor za javna preduzeća i javne ustanove, u suradnji sa Službom za privredu, gradsku imovinu i upravljanje razvojem, a u ime Osnivača, razmotrio je Izvještaj o radu Zeničke razvojne agencije ZEDA d.o.o. za 2022. godinu sa pripadajućim setom izvještaja. Nakon analize dostavljenih dokumenata, Sektor konstatuje:

U 2022. godini Agenciju ZEDA je zastupao direktor Senad Pašalić (imenovan na četverogodišnji mandat 20.09.2021. godine), dok su funkciju Nadzornog odbora od 13.07.2021. godine obavljali Amra Mehmedić, Ljubinka Mičić i Davor Sušić.

Primarni cilj Agencije jeste ekonomski razvoj lokalnih MSP, dizajniranje i implementacija projekata koji će unaprijediti zapošljavanje i samozapošljavanje, podizanje konkurentne sposobnosti, te u suradnji sa Gradom Zenica i Službom za privredu, gradsku imovinu i upravljanje razvojem doprinijeti kreiranju povoljnog ambijenta za razvoj poduzetništva i lokalne zajednice.

Na dan 31.12. 2022. godine u Agenciji ZEDA bilo je zaposleno ukupno 13 radnika, i 4 volontera/pripravnika u okviru programa sticanja Prvog radnog iskustva.

Aktivnosti Agencije kao i prethodnih godina i u 2022. godini bile su u potpunosti usklađene sa strateškim dokumentima viših nivoa, a prije svega prema aktuelanoj Strategiji razvoja Grada Zenica 2012 – 2022.

Poslovna zona Zenica 1 broji 134 privredna subjekta sa 1.1730 zaposlenih (u 2021. godini u Poslovnoj zoni je egzistiralo 116 privredna subjekta sa 1.590 zaposlenih). Unutar Zone dominiraju proizvodna preduzeća (85% od ukupnog broja privrednih subjekata). Prostor je popunjen 902% u odnosu na ukupnu korisnu površinu Zone.

Tokom 2021. godine nastavljen je daljnji razvoj infrastrukture u Poslovnoj zoni Zenica 1, gdje je ukupna vrijednost investicija bila 1.405.406,54 KM, od čega:

- izgradnja saobraćajnice 8.; ukupna vrijednost projekta 352.863,92 KM,
- renoviranje Aneksa B zgrade Techno parka; ukupna vrijednost projekta 1.052.569,62 KM.

I u 2022. godini Agencija je nastavila sa realizacijom projekta Prvo radno iskustvo. Nosilac projekta je Grad Zenica, dok je Agencija ZEDA partner u istom. Budžet projekta je cca 200.000 KM, a nakon provedene procedure primljeno je 36 lica na stručno usavršavanje (23 VSS kadra i 13 SSS kadra).

Agencija je u 2022. ostvarila prihode u iznosu od 1.094.406 KM, što je za 117.004 KM (14,31%) više u odnosu na isti period 2021. godine. Najveći prihodi su evidentirani na kontu Ostali poslovni prihodi, u iznosu od 1.051.979 KM (96,1% ukupnog prihoda). U toku izvještajne godine LIND Laboratorije za ispitivanje sigurnosti proizvoda kontinuirano je radilo

na realizaciji ispitivanja za korisnike usluga, te je za realizovana ispitivanja u 2022. godini ukupno oprihodovano 54.255,77 KM

Ukupni rashodi su iznosili 1.069.425 KM, što je u odnosu na isti period prethodne godine povećanje za 110.250 KM (7,74%).

Ostvarena neto dobit Agencije za period 01.01. – 31.12.2022. godine iznosi 22.033 KM, te bi ista trebala biti raspoređena na *neraspoređenu (akumuliranu) dobit*.

Na dan 31.12.2021. godine stanje potraživanja, novčanih sredstava i obaveza iznosi:

- **Kratkoročna potraživanja (kupci) 61.252 KM**
- **Novčana sredstva 71.362 KM**
- **Kratkoročne obaveze (dobavljači) 54.351 KM**

Na kratkoročnim obavezama se nalaze i kratkoročne obaveze po uzetim kreditima u iznosu 309.908 KM. Agencija je polovinom 2022. godine podigla kratkorčni kredit u iznosu 310.000 KM, čiji bi se povrat trebao realizovati do polovine jula mjeseca 2023. godine.

Uredno i na vrijeme se izmiruju obaveze prema zaposlenima, državi i dobavljačima.

U 2021. godini Nadzorni odbor je održao ukupno 12 sjednica i razmatrao 43 tačke dnevnog reda. Na osnovu predloženog Izvještaja o radu za 2022. godinu, sa pratećom dokumentacijom, konstatovali su da je Agencija u izvještajnom periodu izvršila povjerenu funkciju, te su dali pozitivnu ocjenu za rad Agencije i direktora.

Služba interne revizije Grada Zenica obavila je finansijsku reviziju Zeničke razvojne agencije ZEDA za 2022. godinu, te su mišljenja da izvještaji fer i objektivno prikazuju, u svim materijalnim aspektima, finansijsko stanje imovine, obaveza i izvora sredstava Agencije ZEDA.

Služba za privredu i upravljanje razvojem, kao resorna služba, na osnovu Izvještaja o radu Zeničke razvojne Agencije ZEDA za 2022. godinu i Izvještaja o radu Nadzornog odbora, konstatuje da je Agencija u izvještajnom periodu uspješno izvršavala povjerenu funkciju, te predlažu usvajanje istog.

Sektor za javna preduzeća i javne ustanove dostavlja Izvještaj o radu Zeničke razvojne agencije ZEDA d.o.o. za 2022. godinu, sa pratećim izvještajima, Gradskom vijeću na dalje razmatranje i odlučivanje.

PRILOZI:

1. Izvještaj o radu Zeničke razvojne agencije ZEDA d.o.o. za 2022. godinu, te Odluku Nadzornog odbora o usvajanju istih,
2. Izvještaj o radu Nadzornog odbora za 2022. godinu,
3. Izvještaj o radu Direktora za 2022. godinu,
4. Finansijska revizija zeničke razvojne agencije ZEDA d.o.o. Zenica za 2022. godinu

S poštovanjem,

DOSTAVLJENO:

1x Naslov
1x a/a



Šefica sektora za
javna preduzeća i javne ustanove
Mia Pojskić

Mia P.